

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै श्रुति खजूरिया।

Headlines

- 1- राष्ट्रपति द्रौपदी मुर्मू होर अज्ज 2024 बरे दे राष्ट्रीय पंचैत सम्मान भेंट करडन।
 - 2- स्मार्ट इंडिया हैकाथान अज्जै थमां शुरू, आई.आई.टी जम्मू मुख भरै दिएं 28 टीम दी मेजबानी करै करदा ऐ।
 - 3- मुख्यमंत्री उमर अब्दुल्ला होरें जम्मू-कश्मीर च संस्कृति ते विरासत च नमें सिरेआ जान भरियै इंदे संरक्षण पर जोर दिता ऐ।
 - 4 हांगकांग च खेड्डी जा रदी विश्व स्कवाश टीम चैंपियनशिप 2024 च अज्ज भारत दा मकाबला प्रि-क्वार्टर फाइनल च आस्ट्रेलिया कन्नै होग।
 - 5 जम्मू प्रांतै च सीत बधी गेदा ऐ, घट्टोघट्ट तापमान 5 डिग्री सैल्सियस तगर पुज्जा।
- हुन खबरें दी तफसील कन्नै जगमोहन शर्मा।

<><><><><><>

Prez. Panchayat Award

राष्ट्रपति द्रौपदी मुर्मू अज्ज नमीं दिल्ली दे विज्ञान भवन च राष्ट्रीय पंचायत पुरस्कार प्रदान करडन। इस बरे जमीनी स्तर पर शासन ते सामुदायिक विकास दी व्यदापक उपलब्धिं गी दर्शादे होई बक्ख-बक्ख श्रेणिं च कुल 45 माहनुएं गी पुरस्कार लेई तलोआ गेआ ऐ। समारोह दौरान पंचायती राज मंत्री पुरस्कार विजेता पंचैत दी नवाचारी ते प्रभावी कम्मकाज दी प्रणालिं पर इक किताब दा विमोचन करडन। मंत्रालय नै इक वक्तव्य च दस्सेआ जे इनें पुरस्कारें दा मकसद दुइयें पंचैतें गी सब्बनें थमां बेहतर कम्मकाज दे सरिस्तें गी अपनाने लेई प्रेरित करना ते ग्रामीण भारत दे समग्र विकास च योगदान देना ऐ।

<><><><><><>

PM-SIH

प्रधानमंत्री नरेन्द्र मोदी होर अज्ज स्मार्ट इंडिया हैकाथान 2024 दे ग्रैंड फिनाले च वीडियो कांफ्रेंसिंग राएं युवा इनोवेटरें कन्नै गल्लबात करगंन। ग्रैंड फिनाइले च तक़ीबन 1300 शा बद्ध विद्यार्थी शामिल होंगन। स्मार्ट इंडिया हैकाथान दा 7मां संस्करण 51 नोडल केन्द्रें पर शुरू होग। इस मौके पर प्रधानमंत्री होर किट्टै गी संबोधत बी करगंन। स्मार्ट इन्डिया हैकाथान विद्यार्थिं गी इक मंच उपलब्ध करोआन्दा ऐ तां जे ओह आम जीवन च लोकें गी पेश औने आलिं समस्यां दा हल करी सकन। इस दा सरिस्ता शिक्षा मंत्रालय ते तकनीनी शिक्षा सरबंधी परिषद आस्सेआ कीता जा र दा ऐ।

<><><><><><>

IIT Jammu SIH

आईआईटी जम्मू च स्मार्ट इंडिया हैकथान 2024 दा फाईनल शुरु। इसदे च 28 टीमा हिस्सा लै र दियां न। आकाशवाणी जम्मू संवाददाता दी रिपोर्ट मूजब आई आई टी जम्मू इस गेंड फिनलें दा आयोजन करा र दा ऐ। मुख्य भरे था आई दियां टीमा 36 घंटे तगर लगातार चलने आले हैकथान च हिस्सा लैडन। जेदे च ओह आम जीवन च रोजमरा पेश ओने आलिंगं समस्याएं दा हल करना होर जानकारी आकाशवाणी दे जम्मू संवाददाता था

<><><><><><>

SDRF-List

मुख्य सचिव अटल डुल्लू होरें प्रदेश आपदा प्रतिक्रिया फंड एस.डी.आर.एफ दी प्रदेश कार्यकारी कमेटी दी बैठक दी अध्यक्षता करदे होई एस.डी.आर.एफ दे नियमें मूजब 5 होर मकामी आपदाएं गी एहदी सूचि च शामिल करने दी मंजूरी देई दिती ऐ। उच्ची सतह दी इस बैठक च कमेटी नै इनें मकामी आपदाएं गी शामिल करने बारे आम सैहमति गी शामिल करने बारे आम सैहमति जताई जिंदे च ग्लेशियर झील दे फट्टने कारण ओने आहला हाड़, बिजली पौने ते गर्जी-चमकियै ओने आहले तूफान। भारी बर्फबारी, किशती डुब्बी जाना ते जानवरें दे हमले कारण होने आहले नुकसान शामिल न। मीटिंगें च डब्बी फैसला लैता गेआ जे होम गार्ड, सिविल डिफेंस ते एस.डी.आर.एफ गी बक्ख-बक्ख चाल्ली दे उपकरण जियां ड्रोन, रिमोट कन्ने चलने आहले जीवन रक्षक उपकरण, अग्ग च बड़िये बचाव कार्रवाई दौरान इस्तेमाल होने आहले सूट, बैटरी कन्ने चलने आहले कट्टर वगैरा उपलब्ध कराइयै इनेंगी मता सक्षम ते आधुनिक बनाने लेई साड्डे 6 करोड़ रपे दी रकम बी जारी कीती गई।

<><><><><><>

ADDC-Rajouri

राजौरी दे अतिरिक्त जिला विकास कमिशनर डॉ. राज कुमार थापा हारें कल इक जायजा मीटिंग दी अध्यक्षता करदे होई अल्पसंख्यक मामले सरबन्धी मंत्रालय आसेआ प्रधानमंत्री जन विकास कार्यक्रम तैहत लागू कीती जा'रदियें परियोजनाएं दी प्रगति रफ्तार ते उपलब्धियें दी समीक्षा कीती। बैठका च मुख्य तौरा पर चर्चा बक्ख-बक्ख मैहकमे च परियोजनाएं दी स्थिति ते पैहे दे इस्तेमाल पर कीती गई। इस दौरान बक्ख-बक्ख मैहकमें इनें प्रोजेक्टें बारे अपनी-अपनी स्थिति पेश कीती। किन्ने कम्म मुकम्मल होई चुके देन, किन्ने अजें बाकी रौहंदे न ते किन्ने गी तोड़ चाढ़ने च चिर लगगै करदा ऐ। डॉ. थापा होरें मैहकमें गी निर्देश दिता जे ओह इंदे बारे पूरी ते तफसीली जानकारी समें-समें सिर जमा करांदे रौहन ते इंदे पर कीती गेदी कार्रवाई दी ए.टी.आर रिपोर्ट बी जमा करान।

<><><><><><>

Udhampur Gender Awareness

लिंग दे आधार पर होने आहली हिंसा पर आधारित 16 रोजा अभियान उधमपुर च सम्पन्न होई गेआ। एहदा सरिस्ता उधमपुर पुलस, समाज कल्याण मैहकमे ते महिलाएं लेई विशेष इकाई नै रलिए कीता। महिलाएं ते कुड़िएं खलाफ हिंसा गी रोकने लेई चलाए जा रहे अभियान दा गै एह इक्क हिस्सा हा। उधमपुर रियासी रेंज दे डी.आई.जी होरें इक बैठक दी अध्यक्षता कीती। इस दौरान महिलाएं खलाफ होने आहली हिंसा सरबंधी मामलें गी हल करने पर विचार-विमर्श होआ। उनें महिलाएं दे अधिकारें दी महता गी बी उजागर कीता।

<><><><><><>

ते हुन बाकी दिए खबरें कन्नै श्रुति खजूरिया।

CM-Cultural

मुख्यमंत्री उमर अब्दुल्ला होरें केंद्र शासित प्रदेश लेई इक व्यापक संस्कृति नीति दा आहवान कीता ऐ। उनें जम्मू-कश्मीर दी संस्कृति ते विरसे दी हिफाजत ते संरक्षण पर जोर पाया। संस्कृति मैहकमे दी सिविल सचिवालय च लाई दी जायजा बैठक च मुख्यमंत्री होरें मैहकमें गी आखेआ जे ओह सरबंधी धड़ें कन्नै सलाह मशवरा करन तां जे इक पूरी पराती योजना बनाई जाई सकै। एहदा मकसद जम्मू-कश्मीर दी समृद्ध विरासत दा संरक्षण करना ऐ। उनें मैहकमे च खाली पेदी असामिएं गी पुर करने पर जोर पाया। इस दौरान केइ सारे महत्वै आहली परियोजनाएं दा जायजा लैता गेआ। एहदे च मुबारकमंडी परिसर गी परतिए नमें सिरेआ सौआरना बी शामिल ऐ। इस दौरान एह जानकारी दिती गई जे जम्मू च सरबंधी रिकार्ड गी डिजिटल करने दा कम्म सबूरा होई गेदा ते श्रीनगर च एह कम्म 50 फीसद पूरा होआ ऐ। कला केंद्र कश बनाई गेदी नमी सुविधा आहली थाहर पर 6 लख रिकार्ड गी मुंतकिल कीता गेआ ऐ। इस मौके पर मुख्यमंत्री हुंदे सलाहकार नासिर असलम वानी, मुख्य सचिव अटल डुल्लू, संस्कृति सरबंधी मैहकमे दे प्रधान सचिव सुरेश कुमार गुप्ता ते होर दुए लोक बी मौजूद हे।

<><><><><><>

Omar- Law Deptt.

मुख्यमंत्री उमर अब्दुल्ला होरें जम्मू-कश्मीर विधानसभा दे ओंदे बजट इजलास कोला पैहले-पैहले राष्ट्रीय ई-विधान ऐप गी पक्के तौरा पर चालू करी लैने दा निर्देश दिता। कल जम्मू दे सिविल सचिवालय च विधि, न्यास ते संसदीय मामले सरबंधी मैहकमे दी इक जायजा बैठक दी अध्यक्षता करदे होई मुख्यमंत्री होरें हाई कोर्ट, मतैहत अदालें, एडवोकेट जनरल दे दफ्तर ते विधानसभा दे कम्मं दा बी जायजा लैता। उनें अधिकारिएं गी निर्देश दिता जे ई-विधान ऐप गी बजट सेशन कोलां पैहले-पैहले लागू ते चालू कराने लेई भारत सरकार दे विधि, न्यास ते संसदीय मामलें दे मंत्रालय कन्नै तालमेल बनाइयै कम्म करन। मुख्यमंत्री होरें 908 करोड़ रपे दी लागत कन्नै श्रीनगर च बनाए जा'रदे नमें हाई कोर्ट परिसर दी स्थिति दी बी समीक्षा कीती।

<><><><><><>

Agriculture Ramban

रामबन दे राई-बाई मैहकमे आसेआ रामबन जिले दे बक्ख-बक्ख इलाकें दे करसानें च खुम्बें दी पैदावार गी सफलतापूर्वक बढ़ावा दिता जा'रदा ऐ। रामबन थ्वां आकाशवाणी संवाददाता नै जिला राई-बाई अधिकारी रवि शर्मा हुंदे हवालै नै जानकारी दिती ऐ जे राई-बाई दे पूरे-पराते विकास सरबंधी प्रोग्राम तैहत करसानें गी खुम्बें दी पैदावार सरबंधी नमीं तकनीकें बारै जानका दिती जा'रदी ऐ। आकाशवाणी कन्नै गल्ल करदे होई DAO Ramban Ravi Sharma होरें आखेआ।

<><><><><><>

PM-Games

प्रधानमंत्री नरेंद्र मोदी होरें 10में Pacific Deaf Games-2024 च बेहतरीन प्रदर्शन करने आस्तै भारतीय दल गी मुबारकबाद दिती। अपने स्नेह च मोदी होरें 55 तगमे हासिल करने आस्तै खडारिं गी मुबारकबाद दिती। इनें खेड्डे च एह भारत दा अजें तगर दा बेहतरीन प्रदर्शन ऐ।

<><><><><><>

World Squash Team Championship

विश्व स्कवैश टीम चैंपियनशिप 2024 च अज्ज चीन दे हांगकांग च होने आहले प्री-क्वार्टर फाइनल मैच च भारती महिलाएं दी टीम दा मुकाबला आस्ट्रेलिया कन्नै होग। मैच भारतीय समें मताबक बड्डलै साड्डे 9 बजे शुरू होआ रदा ऐ। भारतीय टीम नै कल इटली गी 3-0 कन्नै हराइयै प्री-क्वार्टर फाइनल च अपनी थाहर पक्की कीती।

<><><><><><>

Weather

जम्मू खिते च घट्टोघट्ट तापमान 5 डिग्री सैल्यिस दे कोल काल रेआ ऐ। खिते च सीत बदी गेआ ऐ। मौसम विभाग मूजब जम्मू च रातीं दा घट्टोघट्ट तापमान 5 अशारिया 4 डिग्री सैल्यिस दर्ज कीता गेआ ते बद्दोबद्द तापमान 19 अशारिया 9 डिग्री सैल्यिस रेआ। मौसम विभाग नै 18 दिसंबर तगर मौसम आमतौरा पर खुशक बने दे रोहने दी पेशगोई कीती ऐ।

<><><><><><>